

Arkiv	Saksbehandlar	Møtedato	Sak nr.
141.4	Knut Øyjordet	01.07.19	20/19

SØKNAD OM TILSKOT TIL BOK – NORSK INSTITUTT FOR NATURFORSKNING

Saksdokument:

Brev frå Norsk Institutt for naturforskning (NINA) av 22.05.19 til fjellstyret.

Saksutgreiing og vurdering:

NINA søker fjellstyret om kr. 30.000,- i tilskot til boka «Fiske i Jotunheimen – frå hobby til matauk i Vågå». I søknaden (som er kopiert opp og vedlagt saka) står det følgjande:

Vi syner til tidlegare støtte til denne boka som Trygve Hesthagen arbeider med saman med Einar Kleiven. Skrivinga er godt som avslutta, det står berre att noko korrekturlesing og litt supplering for eit par vatn. Arbeidet vart mykje meir omfattande enn først rekna med, og det ligg føre eit manus på ca. 330 sider. Så godt som alle fiskevatn i bygda er omtala (sjå vedlegg). Det vil bli mykje grafisk arbeid med boka, og dette vil naturleg nok krevje ekstra ressursar. NINA vil difor søke Vågå fjellstyre om ei ekstrabevilling på kr. 30.000,- til dette arbeidet. Det blir ikkje rekna kostnadane for sjølve skrivinga av boka.

Fjellstyret har sett ein frist 1. mars for søknader om tilskot. Dette for å kunne vurdere søknadane i behandling av årsbudsjettet, som normalt blir behandla i mars/april for det aktuelle året. Fjellstyret har allereie vedteke budsjettet for 2019. Men det har skjedd før at det har kome søknader om tilskot seinare på året, og som fjellstyret likevel har tatt opp til behandling.

Fjellstyret gav i 2012 kr. 40.000,- i tilskot til dette bokprosjektet.

Saka blir lagt fram utan innstilling. Eventuelle merknader frå saksbehandlar blir lagt fram direkte i møtet.

Vedtak:

Samrøystes: Fjellstyret gjev kr. 20.000,- i ekstra tilskot til boka «Fiske i Jotunheimen – frå hobby til matauk i Vågå».

Rett utskrift. Går til:

Norsk Institutt for naturforskning

Vågåmo, 02.07.19

Knut Øyjordet (e.f)

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no